



RÍKISLÖGREGLUSTJÓRINN

ALMANNAVARNADEILD



Embætti
landlæknis
Sóttvarnalæknir



Berist til: Fjölmíðlar, almannavarnir.is, stjórnýsla og tengiliðir sóttvarnalæknis.

STÖÐUSKÝRSLA

Dags: 16.03.2020

Kl.: 16:00

Staðsetning: Samhæfingarstöð/Embætti landlæknis/Sóttvarnalæknir,

Neyðarstig vegna COVID-19

Framvinda

Unnið er hörðum höndum að því að miðla upplýsingum og ráðleggingum til almennings, stofnana og fyrirtækja. Allar leiðbeiningar er að finna á heimasíðu [Embættis landlæknis](#) og [Ríkislögreglustjóra almannavarnadeild](#).

Ráðgjöf vegna COVID-19

Leiðir að ráðgjöf hjúkrunarfræðinga:

Alvarleg veikindi:

- Vaksíminn 1700
- Símtal á þína heilsugæslu á dagvinnutíma

Minni veikindi:

- Samskipti á Mínnum síðum á heilsuvera.is
- Netspjall á heilsuvera.is - 8:00-22:00

Fjöldi smitaðra hér á landi er nú 180 talsins, þar af 44 innanlandssmit.

Samtals hafa um 1987 sýni verið tekin, þar af 119 síðastliðinn sólarhring.

Upplýsingafundur

Víðir Reynisson yfirlögregluþjónn hjá ríkislögreglustjóra stjórnaði upplýsingafundinum.

Þórólfur Guðnason, sóttvarnalæknir fór yfir stöðu mála með tilliti til COVID-19, staðfesta smita hér á landi o.fl. Allar tölur er nú hægt að nálgast á síðu [COVID.is](#). Heildarfjöldi greindra smita inniheldur bæði greind smit frá LSH og Decode. Veiran hefur nú greinst í tveimur nýjum landshlutum, Norðurlandi eystra og Suðurnesi. Ekki er um mikið samfélagssmit að ræða sem stendur.

Bóluefni er enn ekki til og því mikilvægt að hefta útbreiðslu. Markmiðið er að vernda þá veikustu.

Alma D. Möller landlæknir hrósaði meðal annars nemendum og foreldrum fyrir að bregðast vel við samkomubanninu. Smitsjúkdómalæknar LSH fylgjast með þeim sem hafa greinst smitaðir og eru heima veikir. Þeir eru í reglulegu sambandi við þá í gegnum síma, alla vega annan hvern dag.. Þrír smitaðir eru nú á LSH, þarf af tveir á gjörgæslu.

Jóhannes Rúnarsson framkvæmdastjóri Strætó BS fór yfir aðgerðir Strætó. Nú er framhurð hjá vagnstjóra lokuð en gestir ganga inn um miðhurð eða öftustu hurð. Miklu færri viðskiptavinir eru nú að nýta sér vagnana. Akstursþjónusta fyrir fatlað fólk hefur hert verklag vegna þrifa. Að meðaltali nýta sér um það bil 2.200 manns strætókerfið en um hádegisbilið í dag höfðu um 500 manns nýtt sér strætó. Strætó mun endurgreiða strætókort ef til frekari skerðinga kemur. Þeir fylgja leiðbeiningum almannavarna hvað varðar fjarlægð á milli einstaklinga eftir fremsta megni.

Framundan:

- Upplýsingafundur fyrir fjölmiðla eru áætlaðir alla daga kl. 14:03.
- Næsti stöðufundur vegna COVID 19 verður þriðjudaginn 17. mars kl. 9:00.

Vefurinn COVID.is

Vefurinn [COVID.is](https://www.covid.is) miðlar upplýsingum til almennings um aðgerðir hér á landi vegna sjúkdómsins sem veldur Covid-19. Þar má einnig nálgast ýmsar tölulegar upplýsingar. Vefurinn er í sífelldri þróun.

- Vefurinn er sem stendur á íslensku og ensku. Unnið er að því að þýða vefinn á pólsku.
- Samtals 55 þúsund manns hafa heimsótt íslensku síðuna fyrstu þrjú dagana og um 8 þúsund hafa heimsótt ensku síðuna.

Samráð og ýmsar upplýsingar m.a.


- Strætó: [Vegna samkomubanns hefur Strætó bs. gert eftirfarandi ráðstafanir til að hefta útbreiðslu COVID-19.](#)
- Ferðamálastofa. [Leiðbeiningar til veitingastaða og hópferðabíla vegna tveggja metra reglu!](#)
- Símafundur Faxaflóahafna var haldinn sl. föstudag með hagaðilum um viðbrögð vegna útbreiðslu COVID-19.
- Menntamálaráðuneytið hefur gefið út [Lykilskilaboð og forvarnaraðgerðir vegna COVID-19 í skólum](#), íslenska þýðingu á leiðbeiningum Alþjóðaheilbrigðismálastofnunarinnar (WHO), Unicef og Rauða krossins um lykilskilaboð og forvarnaraðgerðir vegna COVID-19 í skólum.
- Verslanir og stórmarkaðir hafa kynnt sérstaka afgreiðslutíma fyrir eldri borgara og viðkvæma hópa. Nokkrar verslanir hafa kynnt sínar útfærslur.



COVID-19 á Íslandi - Tölfræði

Uppfært 16. mars kl. 16:30


Fjöldi sýna eftir dögum




Heildartölur

- 182** staðfest smit
- 1.926** í sóttkví
- 182** í einangrun
- 1.987** sýni
- 3** á sjúkrahúsi


Fjöldi smitaðra eftir dögum



Fjöldi smitaðra eftir kyni



Uppruni smits




Smit / sóttkví eftir landshlutum



Landshluti	Smit	Sóttkví
Austurland	0	4
Höfuðborgarsvæði	166	1433
Norðurland eystra	1	26
Norðurland vestra	0	2
Suðurland	10	350
Suðurnes	4	51
Vestfirðir	0	12
Vesturland	0	21
Óstaðsett	1	23
Útlönd	0	4

Fjöldi smitaðra eftir aldri



Í dag hefur sýking af völdum COVID-19 verið staðfest hjá um 174.615 einstaklingum og um 6.705 einstaklingar hafa látist (3,8%). Samkvæmt John Hopkins hafa 77.657 einstaklegar náð sér eftir veikindin. Mikill vöxtur hefur verið í dreifingu veirunnar í Evrópu, sérstaklega á Ítalíu, á Spáni og í Þýskalandi. ECDC hefur breytt áhættumati sínu yfir í að faraldurinn geti orðið meðalstór eða mikil lýðheilsuógn. Sjá vef [Sóttvarnastofnunar Evrópu \(ECDC\)](#) varðandi þróun mála í hverju landi fyrir sig. Sjá áhættumat ECDC.

Borgarþjónusta utanríkisráðuneytisins

Borgarþjónusta utanríkisráðuneytisins hefur aukið símsvörun og svörun skriflegra fyrirspurna.

Íslendingar í vanda erlendis geta haft samband í síma 545-0-112, sent skilaboð í hjalp@utn.is og haft samband í gegnum Facebook síðu utanríkisráðuneytisins. Íslendingar á ferðalagi erlendis eru hvattir til að skrá sig í grunn borgarþjónustunnar er í gegnum Stjórnarráðsvefinn www.utn.is

- Samkvæmt gagnagrunni borgarþjónustunnar eru yfir 6400 Íslendingar erlendis á leið heim á næstunni. Samtals eiga 840 bókað heim í dag og á morgun.
- Borgarþjónustan hefur svarað um 1000 fyrirspurnum frá því á laugardag.